

Saopćenje za javnost

OBUSTAVA RADA U VUČAMA VOZOVA SARAJEVO – ZENICA – MOSTAR

Danas je u vučama vozova Sarajevo (Rajlovac Depo) i Zenica, mašinovođe su odbile voziti mašine u jednoposjedu i time odbili izvršiti donesenu odluku od strane Operatora Željeznice Federacije BiH o privremenom uvođenju vožnje u jednoposjedu na vozovima za prevoz putnika mašinama serije 441 na pruzi 12. odnosno, na dionici pruge Sarajevo-Zenica-Doboj i obratno. Posljedica ove namjere, o neizvršavanju po odluci operatora je ta što su brzi vozovi otkazani za Budimpeštu, Zagreb, Beograd i Bihać te su se putnici prevezli autobusima u organizaciji Službe za prevoz putnika ŽFBiH. Istog dana, po naredbi Generalnog direktora Nedžada Osmanagića uručene su suspenzije za pet mašinovođa koji su odbili voziti pomenute vozove.

Mašinovođe su prije na dan stupanja na snagu ove odluke u vučama vozova održale „radnički zbor“ i donijeli odluku, da na dan stupanja Novog reda vožnje i automatski i donesene odluke, neće primati radni nalog vožnje voza u jednoposjedu. Na pomenutom zboru kojem su prisustvovali svi radnici vuče vozova opravdanim nezadovoljstvom prisutnih donesena je odluka da ukoliko Poslodavac ne povuče spornu odluku može doći do nesagledivih posljedica.

Također, danas iza 14:00 sati očekujući od strane Uprave Društva da se postigne dogovor i rješenje situacije vezano za radni protest mašinovođa i kada je to izostalo ponovo su održani „radnički zborovi“ u kome im se iz solidarnosti priključili radnici iz vuče vozova Mostar (za prugu Sarajevo-Mostar-Čapljina ne važi odluka o jednoposjedu) i jednoglasno donijeli odluku o poduzimanju rigoroznije mjere, a to je da se danas 12.12.2010.godine od 19:00 sati nastupa totalna blokada svih vozova na prugama Željeznice Federacije BiH. Također, odlučeno je da svi vozovi koji su otpočeli vožnju mogu završiti vožnju do krajnje stanice i iste mašine odvući u pripadajuće depoe.

Predloženo je da svi koji su u mogućnosti iza 19:00 sati dođu u pripadajuće depoe kako bi ukazali jedinstvo u provođenju odluke o obustavi rada. Generalna ocjena u iznalaženju krize, radnici vuča vozova Sarajeva, Zenice I Mostar su poručili:

1. Da Uprava Društva odmah stavi van snage sva izdata rješenja o suspendovanju mašinovođa,
2. Da Uprava Društva odmah stavi van snage nezakonito donesenu odluku o privremenom uvođenju jednoposjeda,
3. Da ministarstvo prometa i komunikacija u Vladi FBiH pokrene odgovornost prema Upravi Društva zbog nezakonito donesene odluke i u skladu već nastale krize hitno donese mjere za njihovo otklanjanje..

Sarajevo, 12.12.2010.godine, 18.25.

Informativna služba portala sms-fbh.ba